

新刊國朝二百家名賢文粹

新刊 國朝二百家名賢文粹卷第六十八

書

上皇帝書

上皇帝請復鄉飲禮書

田諫議

月日鄉貢進士呂田錫惶恐頓首獻書皇帝陛下臣聞聖人建大業得大位制礼以經邦國作樂以和神人五礼行於朝廷遠方之民有終身不得觀之者六樂奏於宗廟遠方之俗有終身不得聞之者於是制鄉飲之礼行鄉校之間俾人徧知異人易識蓋其礼並辨其儀其詳有獻祭之儀有俎豆之數命鄉人之賢者為主延鄉人之老者為賓揖讓拜起皆有儀升降進退必有位以金石之樂和其節以雅頌之詩導其清目秦永周衰漢近秦乱不能行之至後漢世祖行之世祖之後復廢至西晉之後又廢至皇唐用之明著礼文散頒郡國咸俾長吏以化黎元至開元中宣州刺史裴耀卿以為鄉飲之儀唯於貢士之日略得專用其餘廢

傳豈聖王化俗之心豈良吏知禮之大於是拜章奏以上言自恭儉而行禮月而習之歲而行之于是宣州耆老宣庭寮吏每聞歌白華之什華黍之詩南陔之篇由唐之頌言孝子養親之道述万物遂性之旨觀者皆踊躍聽者有感泣蓋禮樂之感於外而精誠之敦於中也在唐之世爲唐之牧守唐之世祚垂三百載唐之牧守凡幾千人唯耀卿能於一郡之間獨奉先王之禮猶化其俗尚移其風以是知先王之禮不徒行先王之樂不徒用但後人行之不得其道用之不知其微國家大禮向天地同節大樂向天地同和煙天地祭宗廟祠山川正齒習始封冊冠氏尊之禮軍旅賓客之容陛下皆奉百王之禮而行之以六代之樂而明之所謂禮樂刑伐自天子出矧國家括地三百州拓土一万里年穀屢稔民風大和朝廷之禮既崇而遠方之民有未親見之者朝廷之樂既脩而遠方之俗有未親聞之者願陛下申明舊典奉行新政頒鄉飲之禮修鄉飲之儀使其觀祭獻之嚴則知不忘報本矣觀曠藻之祀

則知所貴者誠矣見賢者為主則知懿德者可尊矣親老者為賓則知高年者可恭矣閱揖讓拜起之式則知謙恭樽節之可卒矣見外降進退之容則知折旋俯仰之可習矣聞白華南陔之詩則知孝於父母矣聽雅音正聲之奏則悅於和樂矣月而習之歲而行之旋於禮而自熟鑽於道而弘深討復化為柔和根戾化為貞順卑惠歸美流邪復正其何然哉蓋性相近也習相遠也不習自生於知恥之性既無過又知恥國家雖設刑而無淫慝可刑矣朝廷雖設禁而無過差可禁矣若是則為父者以慈而為教也為子者以孝而自守也為兄者以友愛而自得也為弟者以恭謹而自悅也為夫者以和而有其室家也為婦者以柔而事於舅姑也一家率之一鄉慕之一邑化之一郡祭之一國興之天下同之得非王者厲精於禮樂而致之諸侯折節於禮樂而奉之若以為古之禮也不可復行則世祖承盜莽之後而能行之晉氏承元魏之亂而能復之太宗承隋季之淫而能用之若以為俗之薄也難馴化

之則裴耀卿何以化之宣州之民何以順之是知三代絕迹于古
曠孔猶可鑒完補章損益裁酌必其俗適其時而明之況身觀之
風開元之化左顧不遠右盼可及曩章不泯今式斯在晉舜庭奏
樂而鳥獸茲舞燕合吹律而草木遂萌文王行礼而虞芮懷德
宣讓功而鸞鳳集知亦夫金石至和非有樂於鳥獸而鳥獸自舞草
木無情非必應於律呂而律呂能通西伯之仁不以化虞芮而爭
訟自息晉卿之讓不以矯鸞鳳而汰虐自王蓋孔樂之進物也速
而謙讓之服人也深沉欲以賓主之礼以明之以祭獻之儀而示
之以金石之樂以和之以外降之度以化之以揖讓之容以導之
以尊賢之序以俞之以養老之道以喻之入之心物之性得不優
而柔之而自趣之感而慕之而自化之鄉飲之礼化民導俗夫如
是之速也願陛下詢公卿而復之望陛下勅牧守而行之行之其
年則民知恥行之再歲則民知教行之三載則民知礼行之而不
輟用之而能久則比屋可封之俗不獨堯舜之時也聖代當復見

矣聞樂而感之者不獨宣州有之也天下當哀然也天下幸甚
海內幸甚惟陛下裁之臣不勝悽悽思理之誠謹昧死奉書以
聞臣錫誠惶誠恐頓首頓首再拜

上皇帝陳情書

河東先生

九月八日將仕郎守殿中侍御史臣柳開謹詣東上閤門拜手
頓首奏書於

應運統天睿文英武大聖至明廣孝皇帝陛下蓋君之視臣猶
父之視子也則臣之事君猶子之事父也古今共貫家國同塗
苟臣子忠孝之心不違則君父仁慈之惠無枉臣今所以言之
至此者蓋陛下於微臣處君臣之際有父子之恩自陛下登位
至今臣荷仁慈之惠非常者多矣而微臣於陛下即未嘗得盡
忠孝之心焉夫高聽卑望賜許寵光於太平興國四年衛尉丞
呂鐔舉臣堪充京官時蒙聖慈特授臣右贊善大夫國朝自來
舉官常例所授不越本舉之官則後輩恩千百其數惟臣殊異

卷二十一
超越輩流是陛下於臣垂君父仁慈之惠非常之一者也是歲
陛下平晉陽秋八月臣從駕歸於京師不累日間聖慈差臣
知常州軍州事國朝常例新昇朝官罕有便得知州者惟臣不
歷監當場務不經閑慢差遣便與侯藩遽當重寄是陛下於臣
垂君父仁慈之惠非常之二者也是時朝辭南邁聖旨面宣謂
常潤之民苦寇賊之患令臣勦絕用治永平臣到本州尋除君
惡明年冬蒙聖慈特移臣知潤州軍州事九州之中萬方之大
凡居文武班列出領州郡詔條未有如臣東西爲隣疆境相接
去彼來此爲幸爲榮是陛下於臣垂君父仁慈之惠非常之三
者也臣去年與同職不相和叶爲公事因致鬪爭自貝州知州
授上蔡縣令雖爲貶黜益認優隆臣見自來百僚犯罪聚官者
小則均商羈縻大則交廣迂逐無俸祿之爲養與骨肉以相離
惟臣獲銅墨之榮在畿甸之側得家屬而宗聚受月給以豐饒
是陛下於臣垂君父仁慈之惠非常之四者也臣近隨天兵深

入賊界雖則部領糧草頗亦經涉陣場見大戎之猖狂知邊鄙之捍禦臣遂陳誠懇上達景旒乞居士卒之先求以干戈爲用願展微効以贖前非實不望別改官班亦不望別承恩遇陛下輒加雨露拔上煙霄授臣以舊官捨臣之深過未經郊禋赦宥使得叙用復資是陛下於臣垂君父仁慈之惠非常之五者也臣自旬浹以來曉夕思念陛下於微臣即有君父仁慈之惠五矣微臣於陛下即未有臣子忠孝之事一焉臣近瀆天聰乞効臣節陛下加臣之恩榮即甚非次微臣事主之志願即並未伸臣忝是人豈無感媿况臣好事古人行事又荷陛下聖知當報答天地之時有樹立功名之處令臣若散當差遣在臣見頗是尋常不能展臣薄材不能竭臣死節且四海之內万物皆寧唯有幽州未歸匈奴未滅伏望陛下於河北屯兵之地邊上禦寇之方賜臣步騎數千令臣統帥行伍必能爲陛下出生入死破敵摧堅追窮寇於深邊靖群胡於絕域况臣年今四十膽氣方

高比之武夫粗識機便如此則得盡臣子忠孝之道得報父
仁慈之恩縱使身沒於戰場亦得垂名於史策臣之願也惟陛
下察焉臣開陳首頓首

上皇帝陳時務書

范文正公

天聖三年四月二十日文林郎守大理寺丞臣范某謹詣閣門
再拜死罪上書皇太后陛下皇帝陛下臣聞巧言者無犯而易
進直言者有犯而難立然則直言之士千古謂之忠巧言之人
千古謂之佞今臣勉思藥石切犯雷霆不遵易進之途而居難
立之地者欲傾臣節以報國恩恥佞人之名慕忠臣之節感激
而發万死無恨况臣之所言皆聖朝當行之事而未之行者諒
有以也聖人之心豈不至此蓋當乎一日万機未暇餘論大臣
之心豈不至此蓋懼乎上疑下謗未克果行臣請言之以發聖
慮臣聞國之文章應於風化風化厚薄見乎文章是故觀虞夏
之書足以明帝王之道覽南朝之文足以知衰靡之作故聖人

之理天下也文弊則救之以質質敝則救之以文質敝而不救則晦而不彰文敝而不救則華而將落前代之季不能自救以至於大亂乃有來者起而救之故文章之薄則爲君子之憂風化甚壞則爲來者之資惟聖帝明王文質相救在乎已不在乎人易曰窮則變變則久亦此之謂也伏望聖慈與大臣議文章之道師虞夏之風況我聖朝千載而會稽乎不追三代之高而尚六朝之細然文章之列何代無人蓋時之所尚何能獨變大君有命孰不風從可救論詞臣興復古道更延博雅之士布於臺閣以救斯文之薄而厚其風化也天下幸甚臣又聞聖人之有天下也文經之武緯之此二道者天下之大柄也昔諸侯暴武之時孔子曰俎豆之事則嘗聞之此聖人救之文也及齊魯之會孔子則曰有文事者則有武備請設左右司馬此聖人濟之武也文武之道相濟而行不可斯頃而去焉唐明皇之時太平日久人不知戰國不慮危大寇犯關勢如瓦解此失武之倫

也經曰禍兮福所倚福兮禍所伏又曰防之於未萌治之於未
亂聖人當福而知禍在治而防亂故善安身者在康寧之時不
謂終無疾病於是而有節宣方藥之備焉善安國者當太平之時
不謂終无危亂於是而有教化經略之備焉我國家文經武緯天
下大定自真宗皇帝之初猶有舊將舊兵多餘戰敵四夷之患
足以禦防今夫天下伏兵餘二十載昔之戰者今已老矣今之戰
者未知戰事人不知戰國不慮危豈聖人之意哉而況守在四
夷不可不慮吉來和好鮮克始終唐陸贄議去大羊同類狐羆
為心貪而多防狡而無恥威之不悟撫之不懷雖或時有盛衰
大抵常為邊患屬方靖中夏未遑外虞因其乞盟遂許結好加
恩降札有欲无違而乃邀求浸多翻覆不定託因細事嘖有煩
言猜矯多端其斯可驗此唐人之至論也今自京至邊並无閑
險其或因信不守釁端忽作戎馬一縱信宿千里若邊少名將
則懼而不守或守而不戰或戰而无功再叩檀淵豈必尋好未

知果有幾將可代長城伏望聖慈監明皇之前轍察陸贄之議
譏與大臣論武於朝以保天下先命大臣密奏忠義有謀之人
授以方略委之邊任次命武臣密奏壯勇出群之士試以武事
選其等差壯士蒙知必懷報効列于邊塞足倚非常其或自謂
無虞不欲生事輕長世之策苟一時之安邊患忽來人情大駭
自古兵不得帥魚肉無殊乃於倉卒戰鬪之間拔卒為將豺狼
競進直偽交馳此五代之前監也至於塵埃之間豈無壯士且
復唐之武事則英雄之輩願在彀中止聖人居安慮危之倚倚
而無用國家之福也惟聖意詳之臣又聞先王建官共理天下
必以賢俊授任不以爵祿為恩故百僚師師各揚其職上不輕
授下無冒進此設官之大端也我國家累聖秉理而致太平大
約紀綱法象唐室以目觀之宜法唐興之時不宜法唐衰之後
唐興之時時開館殿以待賢俊得李士十八人敍滿天下此文
星養將相之材以論道維邦而大化也賢之中與往往得人唐

表之後此選不盛我朝崇尚館殿目為清華相輔之材多由此
選三館清客古謂登瀛近歲廷出內廷逼居坊陌非唐所謂集
仙之館也又其間校讎之職或不由科第以恩而除限以數年
漸於清顯輕乎人李士之選恐非文皇養將相之材之意也伏
望聖慈而大旨議其可本重為制度以法唐興之時而延廊廟
之器此國家之大美也惟聖意詳之又諫官御史耳目之司不
諱之朝宜有賞勸自陛下臨政以來未聞旌一諫官實一御史
若言而無補是選之不精言而有補豈賞之不行徒使犯顏者
危緘口者安以進藥石為虛言以陳絲綬為供職三載之後進
退雷同臣恐天下切議朝廷言路未廣忠臣未勸將令諫官但
史之徒尸素於朝非國家之福也惟聖意詳之臣又聞先王義
重君目賞延于世大勲之後立賢為嗣餘子則以才自調不使
混淆而後世大防一陳頰波千載凡居近位子孫簪紱盈門冠蓋
塞路賢尚不肖例外京朝調之賞延無乃太甚此必前代君危

臣僭之際務相姑息因爲典故以至於斯又百司之人本避解
役不踰數歲例與出官莫非貪忍之徒絕異孝廉之卒使親民
政其敝如何開此二途截取百數无所不有實累主風恐非任
官推賢之体也人避衆怨不敢上言遂令仕路紛紛祿仕填委
文武官吏特闕踰年貪者益勵其爪牙廉者悉困於寒餓徒於
礼闈之內增其艱難壯士惜年數歲一卒乃爲奔競至有訟爭
而况修辭者不求大才明經者不問大旨師道既廢文風益澆
詔令雖繁何以勸戒士无廉讓職此之由其源未澄欲波之清
目未之信也儻國家不思改作因循其弊官亂於上風壞於下
恐非國家之福也儻爲長久之策則願與大臣特新其議澄清
此源不以謗議爲嫌當以治亂爲意此國家之福也惟聖意詳
之臣又聞以德服人天下欣戴以力服人天下怨望堯舜以德則
人愛君如父母素以力則人視君如仇讎是故御天下者德可
憑而力不可恃也伏惟皇太后皇帝陛下崇聖德以求服天下

之心若夫敦好生之志推不忍之心薄於刑典厚於惻隱在物
統綱於民注羣常戒百官勿爲苛酷示天下之慈也唯聖人能
之取珠玉之玩罷組繡之貢焚胥武之雉裘出文皇之官人少
度僧屋不興土木示天下之儉也唯聖人能之鷄鳴而赴致致
聽政每有餘暇則召大臣講議文武訪問艱難此皇王之勤也
唯聖人勉之貴賤親疎賞罰惟一有功者雖憎必賞有罪者雖
愛必罰捨一心之私從萬人之望示天下之公也唯聖人行之
自古帝王頭銜曰治天下天下必亂與忠臣治天下天下必安
然則忠臣骨體而易踈佞臣柔順而易親柔順似忠多爲美言
骨體似強多所直諫美言者得進則佞人滿朝直諫者見踈則
忠臣避世二者進退何以辨之但日聞美言則知佞人未去此
國之可憂也日聞直諫則知忠臣在右此國家之可喜也伏惟
聖明不可不察自古王者外防夷狄內防姦邪夷狄侵國姦邪
敗德國侵則害加黎庶德敗則禍起蕭牆乃知姦邪之凶甚於

夷狄之患伏惟聖明常好正直以杜姦邪此至理之本也且又
聞聖人宅九重之深鎮萬國之望以靜制動以重為威如天之
高如地之深使人不得容易而議也昨觀齊趙順動稍煩恐非
深居九重靜鎮萬國之意況進奏院報於天下天下聞之恐損
威重先朝以御宇日深功成天下巡幸之費尚或諫止今繼明
之始聖政方新宜加憂勤深防逸豫則人心大悅天道隆康不
比先帝功成之年未可輕為巡幸伏惟聖慈再三詳覽幸有順
動必循典札以服天下之望且又聞人主納遠大之謀久而成
王道納淺末之議久而成亂政方今聖人在上賢人在朝取舍
之際豈有未至然而刑法之吏言然疑之重輕錢穀之司奉
銖之利病則往往謂之急務雖應而行或有言政教之源流議
風俗之厚薄陳聖賢之事業論文武之得失則往往謂之迂說
廢而不行豈朝廷薄遠大之謀好淺末之議哉伏望聖慈納人
之謀用人之議不以遠大為迂說不以淺末為急務則王道大

成天下幸甚言又聞聖人之至明也臨萬機之事而不收獨斷聖人之至聰也納群臣之言而不敢偏聽獨斷則千慮或失偏聽則衆心必離人心離則社稷危而不扶至慮失則政教差而弥遠故先王務公共設百官而不敢獨斷者懼一慮之失也開言路采群議而不敢偏聽者懼衆心之離也今至政方新勳恩公共委任兩地出入芳機之煩能無得失乃許羣臣上言以補其闕使上无蒙蔽下无壅塞有以見聖人之不獨斷也天下幸甚然而臣下上言密陳得失未可盡以爲實亦當深究其宜或務窺人短長或欲希旨上下動搖賞罰之柄離隔君臣之情以是而非言爲而辯雖至鑑之下能无惑焉偶動宸衷无益王道似此密奏之類更望至慈深加詳覽尙大旨議論可否然後施行儻密奏之言便以爲實內降處分一面施行則讒諂之人緣隙而進以討爲直以詐爲忠使內外相疑政教不一非致理之本也古人有言曰爲君難爲臣不易者其在此乎伏惟聖明不

可不察文自古親近小臣率多熾倖恃國恩寵為人階緣公議未行私請先至如此則人皆由迎政有多門伏望聖慈深為防慮以存至公之道也臣曲陋之人本无精識隨前王之得失究聖朝之取舍因敢罄而陳之伏望聖慈詳擇一二千犯天威臣無任戰汗激切屏營之至臣昧死謹言

上皇帝辨杜韓富范書

六一居士

臣聞士不志身不為忠言不逆耳不為諫故臣不避群邪切齒之禍敢冒一人難犯之顏惟賴聖慈幸加省察臣伏見杜衍韓琦范仲淹富弼等皆是陛下素所委任之臣一旦相繼而罷天下之士皆素知其可用之賢而不聞其可罷之罪臣職雖在外事不審知然臣切見自古小人讒害忠賢其識不遠欲廣陷良善則不過指為朋黨欲搖動大臣則必須誣以專權其故何也夫去一善人而衆善人尚在則未為小人之利欲盡去之則善人少禍難為一二求瑕惟指為朋黨則可一時盡逐至如大臣

已被知遇而蒙信任者則不可以他事動搖惟有專權是人主之所惡故傾此說方可傾之臣料杜衍等四人各无大過而一時盡逐富弼而仲淹委任元稹而忽遭離間必有朋黨專權之說上惑聖聰臣請詳言之昔年仲淹初以忠言議論聞於中外天下賢士爭相稱慕當時數臣誣作朋黨猶難辨明自近日陛下權此數人並在兩府察其臨事可以辨也蓋杜衍爲人清慎而謹守規矩仲淹則恢廓自信而不疑韓琦則純正而篤直富弼則明敏而果銳四人爲世既各不同雖首歸於盡忠而其所見各異故於議事多不相從至如杜衍欲深罪滕宗諒仲淹力爭而寬之仲淹謂契丹必攻河東請急修邊備富弼料九事力言契丹必不來至如尹洙亦号仲淹之黨及爭永洛城事韓琦則是尹洙而非劉滙仲淹則是劉滙而非尹洙此數事尤彰者陛下素已知者此四人者可謂公正之賢也平日間居則相稱美之不服爲國議事則公言廷爭而無私以此而言臣見杜衍

尋真得漢史所謂忠臣有不和之節而小人譏爲朋黨可謂誣矣臣聞有國之權誠非臣下之所得專也臣切思仲淹等自入兩府已來不見其專權之迹而但見其善避權也夫權得名位則可行故行權之臣必貪名位自陛下召臣與仲淹於陝西琦等讓至五六陛下亦五六召之至如富弼三命學士兩命樞密副使每一命未嘗不懇讓者愈切而陛下用之愈堅固天下之人所共知臣但見其避讓太煩而不見其專權貪位也及陛下堅不許辭方敢受命然猶未敢別有所爲陛下見其作事乃開天章召而賜坐授以紙筆使其條事然衆人避讓不敢下筆弼等亦不敢獨有所述因此又煩聖慈出手詔指定姓名專責其條列大事而行之以久與皆有效弼性雖銳然亦不敢自出意見但舉祖宗故事請陛下擇而行之自古君臣相得一言道合遇事而行吏无推避弼等蒙陛下堅意委任督責丁寧而猶遲緩自疑作事不果然小人巧譖而曰專權者豈不評哉至如兩

路宣撫國朝累遣大巨况自中國之威近年不振故元昊叛並
一方而勞困及於天下北虜乘釁違盟而動其書詞侮慢至有
責沮示之言陛下憤恥雖深但以邊防無備未可與爭屈志買
和莫大之辱弼等見中國累年侵侮之患感陛下不次進用之
恩故各自請行力思雪恥公山傍海不憚勤勞欲使武備再修
國威復振巨見弼等用心本欲尊陛下威權以禦四夷未見其
侵權而作過也伏惟陛下睿哲聰明有知人之聖巨下能否侗
達不遺故於千官百辟之中親選得此數人一旦罷去而使群
邪相賀于內四夷相賀于外此巨所以為陛下聖德仁慈保全
忠善退去之際恩禮各優今仲淹四路之任亦不輕矣願陛下
拒絕群謗委信不疑使盡其所為猶有裨補方今西北二虜交
爭未已正是天而陛下經營之時而弼与琦豈可置之閑處伏
望早辨讞巧特加圖任則不勝幸甚巨自前歲召入諫院十月
之內七受聖恩而致身兩制常思榮寵至深未知報効之所羣

邪爭進讒巧而正士繼去朝廷乃臣忘身報國之時豈可減言而避罪敢竭愚誠唯陛下擇之臣脩昧死再拜

上皇帝書

趙清獻公

臣聞欲治之主得人其昌左右前後皆良賢正也謀謨諫言皆盡延納也忠厚鯁亮之士日益招來便佞詭欺之徒日益摧縮號令風化日益流布朝廷中外日益尊安若然富壽之域坐躋太平之象立見噫左右前後一日不得賢正之人而為之輔翼雖堯之雍雍舜之孜孜夏禹之克勤文王之不暇食求如之何也已漢劉向謂正臣進者治之表正臣陷者亂之基誠或是言也在易君子道長小人道消於卦為泰其繇云上下交而其志通也正臣非君子歟返是則於卦為否矣否之繇則曰上下不交而其志不通內小人而外君子邪臣非小人歟此言為天下者宜進君子而退小人也明矣谷永所謂帝王之德莫大於知人其有旨哉夫南面而聽天下也公卿百執事雜然滿前孰為

正孰爲邪孰爲君子孰爲小人在聖人明視而聰聽之精擇而
慎來之真爲明白人焉嗟哉大抵輔相樞機之任得正人也得
君子也然後同德而同心也則其下所謂邪者少人者靡然相
與俛首帖耳以去而徘徊所留云哉矣鑒觀古昔信史備存有
虞大聖人也任十六相卅濟德美禱机鑒發流軍匹裔民至于
今稱之亡窮周成哲王也善有且夔則倚之不貳惡有管蔡則
誅之勿疑故年七百而卅三十也始皇惑高斯之佞不能奪忽
叔孫之手不能與秦嬴之敗曾不旋踵元帝知恭顯之姦不能
擯愛蕭望之之賢不能用爰漢之運從而衰下唐太宗納房杜
王魏之切議誅侯君集張亮之兇僻遂成正觀之治天皇聽許
權元載盧杞之竊位代德之卅其危殆相繼不絕如綫茲誠用
人之得失莫不係國之安危間分兩途不可不辨恭惟陛下以
上聖之姿御神器之重開納忠諫繼承祖宗數路以取人二德

以求治然而邇來日星謫見聖靈焦勞蠅潦為災民力彫敝帑
庾空窘戎狄窺覲官冗兵驕風俗奔競今將治其弊安其危豈
一人獨運於品鄣之上而能致之哉當此時也謂宜博選忠直
方正能當大任也所謂賢人才士者速得而端用之位予丞疑
輔弼之列朝夕獻替得嘉謀嘉猷為號令使天下耳目聞見
太平之政在今日耳臣不勝大願願陛下宸斷不疑幸正以却
邪陟君子而黜小人有為於可為之時元因循後時之悔則天
下幸甚宗廟之靈社稷之福此其時也臣遠賤之迹愚臣所能
唯思死節一誠上報陛下採擇獲壽之德萬分一二

上皇帝乞納諫書

滄浪翁

五月二十八日具官臣某謹上書

皇帝闕下臣聞治平之君使危亡禍亂之言不離於耳則天下
庶可久安也高位之臣使顛覆竄殛之禍不絕於心則百職可
以无曠也苟治平而忽危亡未有不危亡者也高位而亡顛覆

未有不顛覆者也此物理之常勢古今之定分也歷觀前代聖神之君好聞乎讜議賢明之輔不墮乎平情蓋以四海至遠民有隱隱不可以遍照故元間賢愚之言而擇月之方幾至繁事有習弊不可徇寬故必求衆多之議以更張之然後朝元遺政物元道情重有佞人邪謀莫得而進也臣昨覩乙亥詔書戒越職言事者備告四方元不驚惑往往切議恐非本於宸衷蓋陛下即位以來屢詔群下以求鯁直故百僚皆得轉對又置匭函設直言極諫科今詔書如此是與前事相違豈非大臣蔽塞陛下聰明杜塞忠良之口不唯巧損朝廷大政實自取覆亡之道夫納善進賢宰相之道蔽君自任未或不亡今諫官御史又多出其門下但務希旨即取好官多士盈庭噤不得語陛下高拱法宮之內何由得聞天下之務乎臣前見陛下以孔道輔范仲淹剛直不撓致位諫臺後雖改官不志獻納此二臣者非不知減口數年坐得卿輔蓋不敢負陛下委任之意乎臣子忠盡之

節而封薨罹中傷竄謫不暇使正臣奪氣輟士作舌目覩時弊
口不敢言昔晉公問叔向曰國家之患孰爲大對曰大且持祿
而不極諫小且畏罪而不敢言下情不得上通此患之大者是
故漢文感女子之說而肉刑是除武帝聽三老之議而江充以
族肉刑古法江充近臣女子老人愚耄踈隔之至者也豈以義
之所在賤不可忽二君從之後世稱聖況國家班設爵位列陳
豪英故當貴其公忠安可教之循嘿賞之使諫尚恐不言罪其
敢言孰肯獻納物情閉塞上位孤危軫念于茲可爲驚懼伏望
陛下需數德音追寢前詔勤於採納下及芻蕘求觀四海之安
危垂念朝廷之闕失見所未見日新又新故可常守隆平保全
近輔若詔榜未削欺罔成風則不唯堂下遠於千里切恐指璫
爲馬之事復見於今朝也臣區區以此言達於冕旒者非不知出
口禍從爲國嬰笑蓋欲陛下下一悟則天下蒙福以目之軀質羣
生之命亦以大矣伏望陛下留意焉

上皇帝封禪書

孫直講

聖宋受天眷命皇帝綏保万邦治定德隆遐治遠同由是聖時
耆艾及公卿巨庶僉為拜章稽顙伸道封禪而皇帝過謙厚損
罔迫俞允詔聞率土而神人胥慄草莽賤臣堪謹俯酌庶懇上
稽古訓昧死作封禪書一篇雖不足以敷衍洪烈啓通盛猷庶
茲揮下誠贊暢能事自之志也其文曰邈乎天地權輿綱緼混
茫分著判黃品物用章於是庶類之宗膠輶旁充臂欲之氓布
獲交爭充不已必荒爭不息必傷流則愆伏作而顛氣士傷則狂
暴煽而生類殃惟天地也能品物之生罔克異類之底寧能黔
庶之昌罔克彝倫之自章越乃歷選列辟輔其宏綱易曰右以
財成天地之道輔相天地之宜裁成之猷罔爽然後命無忝也
輔相之範克篤然後功事成也不命元功允著既從於是有登
封以助高焉有封禪以報厚焉稽厥靡他所以告駿命也所以告
懋功也所以鑒后嗣也所以答靈祉也苟非至德厯鴻溥化功

滿同符天休合節地宜奚擬議之敢乎惟皇上帝厥靈孔樂匪
諄諄其令而晰晰其符故當命者儲嘉瑞違心者極妖穴肇自
生民君宇力以敷治者雖皇王殊厥謚遠近異歌軫焉以克
荷景命允簡帝心者罔不曰仁義孔樂而已是以二帝之懿三
王之輝雖禪代有殊質文相貿罔不恢淳仁以懷物廓正義以
幹邦貫大札以條上下之宜盈至樂以結士民之愛然後風聲
踵武獲象兩儀泐違心之妖幸當命之瑞始周既迄又駁古昔
渥圖啓極者鮮不峻慘酷以繩衆瀆威武以槽遠奮煩誦以立
憲任巧銳以周行故仁義之休禮樂之淑稍芽於兩漢驟萎於
魏晉彫落於齊梁枯槁於周隋暫斷於巨唐尋剝於五代其未
醇而復也如是然猶有乘小康而展盛礼据淺惠而冒洪威相
如頌於前班固贊於後呼壽之徵慶于世宗宮闕之社耀于光
武稽其所以兢勤濟衆闡憲軌物垂諸聖世胡其相万坎大宋
之道昭晰前古盛德宏乃春熙日融始則神九伐平多壘建王

業也後則緝其政諸万邦至舜倫也是故黃鉞初指則曠者革
匿者沈籠厥所以昭周武也洪恩漸被則庭斯起昧斯輝惟天
所以穆唐堯也暨皇帝誕續不圖繼陟元右雨露之所豐霈日
月之所委燭靡不偃息休光弥綸至澤曄曄煌煌雖幽必彰汪
洋洋無遠弗滂猶復懼古典之未敷收弊未祛由是訓罰戮於
古刑夷慘酷也偃鐵戟於靈臺蕩威武也篤憲章於簡易滌煩
譎也起俊乂於鄉遂刻巧偽也於是刑清而民和兵偃而道益
隆憲簡而俗益醇賢進而官益舉至則樹仁義之根而復植之
振礼樂之緒而再暢之俾九有之黎庶饒乎淳仁之濡搜遲乎
正義之紀條暢乎大礼之緒郁穆乎至樂之統至若鼎鑪辨給
之俗裸袒又身之群雖古昔之所不目舟車之所罕通相与稽
首闕庭執摯請吏故大化流也泛濫乎郊甸汗漫乎要荒滂蕩
乎戎夷浮沉乎覆載遐考在昔舜之堯禹之舜相襲也湯之禹
文之湯未百世也前憲赫曦易馴也餘德灑滂易洽也道氓敦

惠易緩也然而流德之罰勞於舜拜言之勤於禹扶夾之坐
役於湯日昊之恩瘳於文然後舜啓無爲之治禹成無間之譽
湯闡來蘇之望武致冬裘之聲曷若聖宋宅千古之下風提千
古之強綱使淳源清流解紉復繼化一變而仁義醇道一反而
孔樂同乃仁帝之淳王之方民乎翺翔前之恠性之頑民乎
遷由是上帝時譔祥符彙彰既而乾之精坤之形相與駢
騁八區薦珍郊靈故在上則星緯儲休慶雲置輝甘露榮光
霽散雨霏在下則靈芝林峙醴泉波委羽毛鱗介更誕厥美
咸瑞謀之所闡標前史之所罕聞炳燦簡編卓出古議則厥
宗之崇焉展勒成之皇儀時乎時乎斯厥時乎而皇帝茂謙
德之遐芳煥盛業之景炎稽千臬誠未之果行徵諸冊牘非
謨明之所存者也口誦脩德以錫符篆符以行事是故績勳
爰舉於大也德至弗圖慢之甚也聖王罔從斯而動歷甘
慢而守有平抑厚議之瑣節奉皇穹之寵靈藏重厝條詳
禮宗伯賜以書五銘揚旌

九旗寅亮遐躋崇配赫科神靈降震於方世王猷翕鑠於一時其不休哉其不休哉臣生長逢茲盛世朝廷不宜越次僭履擬議文憲然以惠迪典義沐浴大寶仰酌遠古參倫聖世知有未侔焉是敢首陳列辟受命之猷次叙二帝三王雍容之盛繼漢道晉隋唐因循之治然後知鼓祥風振頹基我成輔相非特聖疇能煥發闡揚格斯之昭著乎恭以頌聲之聞本諸木鐸先民遺範詢于莠蕪則章楊之間有其志者豈可伸也故敢奮搜愚忠述贊興粹然後臨無疆方俯伏侯罪惟聖人不以人廢言臣之懇也

新刊 國朝二百名家賢文粹卷第六十九

書

上皇帝書二

上皇帝論三事書

司馬溫公

月日具位臣光謹昧死再拜上書皇帝陛下臣聞書曰面稽天
若詩曰文王陟降在帝左右蓋言王者為天之子不敢不朝夕
小心祗畏其命如在其上如在其左右也是故洪範九疇以五
行為本言王者當祗順五行之性內謹五事以治身外修八政
以治國正五紀以承天序折衷於皇極之道登用三德之人又
參合以龜筮之謀察風雨寒燠之來以省得失知休咎尊卑五
福避遠六極此万世不易之道也臣不勝狂愚志生觸死伏見
陛下即位以來災異甚衆日有黑子江淮之水或溢或涸去夏
霖雨滂沱不止京畿東南十有餘州廬舍流於江湖舟車樓櫓
木石老弱流離捐瘠道路妻兒之價賤於犬豕許潁之間親戚

相食積尸成立既而歷冬无雪暖氣如春草木早榮繼以黑風
今夏疫癘大作殍殍數千里病者比屋覆車交路至秋幸而豐
熟百姓欣然庶幾蘇息矣乃收穫而暴雨大至一晝之間川澤
皆溢溝渠並流原隰丘陵悉爲洪波一苗半穗蕩無孑遺都城
之內道路乘桴城闕摧圯官府倉庫軍壘民居覆沒殆盡死於
壓溺者不可勝紀耆耄之人皆言耳目所記未嘗睹聞此乃曠
古之極異非常之大災陛下安得不側身恐懼思其所以致此
之咎乎百姓愚劣殘不足以窺測天意切以書曰天聰明自我
民聰明天明畏自我民明威又曰天視自我民視天聽自我民
聽然則災異之來不在於他苟人心和悅則天道无不順矣詩
曰濟濟文王令聞不已又曰如珪如璋令聞令望古之聖王未
有不先其令名而能行其政於天下者也臣伏見陛下踐祚之
初上自辛卯歲及朝臣下迨閭閻庶民士伍厮養无不翕然同
辭稱頌聖德女出一口皆云方今皇族奉朝聘者八百餘人陛

下仁孝聰明爲之冠首知人疾苦識其情爲節儉愛物剛果能
斷既美先帝知人之明又慶已身逢時之幸涕泣共談悲喜相
半自愚以爲昔漢惠帝死子而得文帝恭儉謙恭百姓富饒幾
至刑措昭帝死子而得宣帝勤惠明斷吏良民樂號稱中興然
則國无嗣子而旁親入繼未必不爲天意禔祚社稷而光啓聖
賢也私心自幸文甚於衆人俄而聖躬有疾上下之人思殺身
爲牲粉骨爲藥庶祈早瘳以觀聖政不意數月之後道途之議
稍異於前頗有謗言不專稱美迨乎周歲之外則頌者益寡謗
者益多且切伏於闕門之外日聞衆論不勝悵恨痛心疾首晝
而忘食夕而忘寢爲陛下深思其故終不能明意者陛下於奉
勳循守之間万一有所未思乎敢以愚慮言之幸有三焉惟陛
下寬其罪使得畢其辭切以皇太后仁明之德爰自先朝布聞
四方加之保育聖躬在於襁褓陛下入承大統不可謂全非皇
太后之力當陛下初得疾之時外間傳言皇太后於先帝梓宮

之前爲陛下叩頭祈請額爲之傷如此豈可謂无慈愛之心於陛下哉不幸爲讒賊之人交相離間遂使兩宮之情介然有隙就使皇太后有不慈於陛下陛下爲人之子安可較量曲直遂生怨恨而弛愛恭之心有所不脩乎傳曰大德滅小怨先帝擢陛下於衆人之中自防禦使升爲天子唯以一后數公主屬於陛下而持宮在殯已失皇太后之歡心長公主數人皆屏居閑宮希曾覲見且請以小喻大設有里閭之民家有妻數女及有數畝之田一金之產老而無子養同宗之子以爲後其人既沒其子得田產而有之遂踈母弃妹使之愁憤怨歎則鄉里鄉黨之人謂其子爲如何人哉以匹夫而爲此行猶見貶於鄉里况以天子之尊爲天下所瞻仰哉此陛下所以失人心之始也先帝天性寬仁重違物意晚年嬰疾厭倦万機遂以天下之事悉委之兩府兩府或見有所偏或意有所私取舍黜陟未必皆當及巧設佻門進拔所愛超資越級欺罔衆人抑壓孤寒無所

仲虺及陛下即位皆謂必能奮發軋剛耶明君德收取威福還
復王室進賢退惡賞善罰惡使海內廓然立見太平而陛下益
事謙遜深自晦匿凡百奏請不肯與奪動循舊例不顧事情謹
於細務忽於大体知人之賢不能全知人不肖不能去知事之
非不能改知事之是不能從大呂專權甚於先朝率意差除无
所顧忌或非材而驟進或有罪而見寬此天下所以重失望也
臣聞書曰木從繩則正后從諫則聖是以堯稽于衆舍己從人
舜好問而好察迩言禹聞善言則拜湯用人猶已改過不吝此
四聖人者豈其才智之不足哉然猶有孜孜汲汲下詢愚賤之
人者蓋以四海之廣萬機之衆非一人所能獨知必資天下之
耳目思慮然後能曲尽其理也陛下聖質雖美亦當取法於堯
舜禹湯而即政以來或意有所見執之不移如堅守嚴城禦敵
外寇使群臣之言皆无自而入殆非所以納百川而成巨海也
孔子曰人之言曰予无樂乎爲君唯其言而莫予違也如其善

而莫之違也不亦善乎如不善而莫之違也不幾乎一言而喪
邦乎是故明君之於聽納无彼无我先親无疎无先无後唯其
是而已矣若重我所有輕彼所陳信其所親而疑其所賤主先
入之言而拒後來之議則雖有是者亦不可得而見矣夫人心
之所好者視醜以爲美所惡者視善以爲惡苟能以平心察之
則是非易見矣書曰有言逆於汝心必求諸道有言遜於汝志
必求諸非道若必特合於聖意則悅而從之不合則怒而弃之
曰忠讒諂曰進方正曰疎殆非所以增杜稷之福也又國家置
臺諫之官爲天子耳目防大臣壅蔽朝廷政事皆大臣相與裁
定然後施行而臺諫或以異議干之陛下當自以聖意察其是
非可行則行可止則止今乃復付之大臣彼安肯以已之所行
爲非而以他人所言爲是乎此乃陛下所以獨取拒諫之名而
大臣坐得專權之利者也夫以君相之重何啻泰山賤臣之輕
何啻雞卵乃欲相而較其勝負臣固知其不敵矣是以四方懷

思之士顧効區區者皆望風不進結舌沮氣此天下所以又失望也凡此三者在前之臣皆知其不可而上畏嚴誅下避怨怒莫敢以此極言聞於陛下使海內憤鬱之氣積而不發宜其有以感動天地之和矣臣聞天意保佑王者故為之下災異以譴告之若聖者恐懼修省則非徒免一時之害又將有福祿隨之商之太戊武丁周之成宣是也若傲忽不顧非徒為害於一時又將有危亡之禍漢之成哀桓靈是也今災異之來意者皇天亦將保佑陛下以成商周之業乎臣願陛下上稽天意下順人心於此三者皆留聖念奉事皇太后愈加孝謹務得驩心諸長公主時加存恤無令失所總孽大柄勿以假人選用英俊循名責實寬賞功罰罪捨小取大剋塞弊倖一新大政延納讜言虛心從善皆行之以至誠非特為空言而已夫至誠可以動金石而況於人乎不誠不足以感匹夫而況天乎詩云无曰高高在上陟降厥士日降在茲天雖至高視聽甚近人之所為豈於中心

則天已知之固不待見於名竟形於轂音也陛下果能大誠於此則聖德日新令名四達人心既悅天道自和百穀蕃昌嘉瑞並至災異率服福流子孫矣臣自知不才无補朝廷然不敢遂自塞默復有所陳惟陛下裁察臣光祿死再拜上

上皇帝乞聽斷書

司馬溫公

月日具位臣某再拜昧死上書皇帝陛下臣材識庸鈍陛下過聽擢補臺司臣夙夜盡心以思厥職隕首捐軀无足爲報切見近歲以來政府言職迭相攻毀分爲兩朋有如讎敵所以然者蓋由人臣各務逞其私志立爭勝負不顧已之是非人主不忍違逆人情兩加全護不忍判其得失是以群下紛紛日鬬于前而朝廷爲之多事者也臣伏見陛下天性聰明仁孝恭儉踐祚之初孜孜求治此誠堯舜之資群生之福也群臣幸得遭遇此時不務將順聖德紀綱治休華政事之又敝敗百姓之疾苦而各爲私鬬不知窮極誠可罪也臣聞人君之尊與天地同体以

剛健爲德以厚重爲威昭微當如日月發言當如雷霆晉漢武帝謂田蚡曰君除吏盡未吾亦欲除吏又謂衛青曰郭解布衣權至使將軍自言此其家太貧人主之言若皆切當如此群臣安得不畏服哉夫心知其非而面徇其情口順其說依違兩可此最人君之大患也今國家政事未有先經兩府相與商議然後施行閔防秘密外人莫得而知及詔令已下臺諫方得聞之若事有未便從而論列陛下還復下之兩府人之常情曰非大賢誰肯以已之所謀爲非而以他人之言爲是哉必須排擯沮抑以爲難從此人主之所以獨取拒諫之名而大臣私得專權之便者也且愚伏望陛下自今應有臣僚上言朝廷闕失者陛下當清心省慮自以大公至正之道決之若大臣所謀果是不必願恤言者言者有所陳果當不必曲順大臣之意位無高下言無先後唯是之從又何紛紛之足患哉必若其人等固有爭執者陛下亦當再審察更以理道往返相與詰難以盡其情果有

可取勿憚改爲若漢宣帝之於趙充國則萬事先不當矣必若
理道是非顯然在目而其人執迷文詞強很不已者雖加罪黜
天下豈以爲不可哉如此則豈惟事得其正亦使威福之柄盡
歸帝室矣凡天下之事是非未明則不可不慎是非既明則在
陛下決而行之臣前日所謂惟道所在斷之不疑茲不能惑佞
不能移者正謂此也伏惟聖明俯加裁察自某昧死再拜

上皇帝書論人律

范忠文公

六月十一日具位臣鎮昧死再拜上書 躬天法道欽文聰武
聖神孝道皇帝陛下臣伏以陛下制樂以事天地宗廟以揚祖
宗之休茲盛德之事也然自下詔以來及今三年有司之論紛
然未定蓋由不議其本而爭其末也臣爲禮部官時與鄉人房
薦同上尺牘講之甚詳今庶已歸臣又罷職而臣猶冒侵官之
罪以進其說者不敢自誣有所隱默以負陛下制作之意也臣
切惟樂者和氣也鼓和氣者鼓聲也聲者之生生於組形故古

人懼後人不能知也乃以有形之物傳其法俾後人參攷之參攷而是然後無形之聲音得而和氣可導也夫形者何黍也律也尺也龠也鬴也斛也筭數也權衡也鍾也磬也十者必相合而不相戾然後爲得也今皆相戾而不相合則爲非是矣有形之物非是而欲求無形之聲音安可得哉且謹條十者非是之驗列于左惟陛下裁擇焉且謹按詩誕降嘉種維秬維秠誕降者天降之也許慎云秬一斛二米又云一杯二米後漢任城縣產秬黍三斛八斗實皆自米史官載之以爲嘉瑞又古人以秬黍爲酒者謂之秬鬯宗廟降神惟用一尊諸侯有功惟賜一卣以明天降之物世不常有而貴重之也今秬黍取之民明者動至數斛秬皆一米河東之人謂之黑黍設有真黍以爲取數至多不敢送官此秬黍爲非是一也又按先儒言律空徑三分圓九分長九十分容千二百黍積實八百一十分今律空徑三分四釐六毫圓十分三釐八毫是圓九分外其大一分三

斲八豪而後容千二百黍除其圍廣則其長止七十六分二釐
矣說者謂四釐六毫為方分古者以竹為律竹形本貞而合以
方分置筭此律之為非是二也又按漢書分寸尺丈引本起黃
鍾之長又云九十分黃鍾之長黃鍾之長者据千二百黍而言
也千二百黍之施於量則曰黃鍾之龠施於權衡則曰黃鍾之
重施於尺則曰黃鍾之長今遵千二百之數而以百黍為尺又
不起於黃鍾此尺之為非是三也又按漢書言龠其狀似爵爵
謂爵琖其斛正貞故龠當負九分深十分容千二百黍積實
八百一十分與律分正同今龠乃方一寸深八分一釐容千二
百黍是亦以方分置筭也此龠之非是四也又按周禮鬴法方
尺負其外深尺容六斗四升方尺者八寸之尺也深尺者十寸
之尺也何以知尺有八寸十寸之別按周禮璧羨度尺好三寸
以為度璧羨之制長十寸廣八寸同謂之度尺以為度則八寸
十寸俱為尺矣又王制云古者以周尺八尺為步今以周尺六

尺四寸爲步八尺者八寸之尺也六尺四寸者十寸之尺也同
謂之周尺者是周用八寸十寸尺明矣故知以八寸尺爲脯之
方十寸尺爲脯之深而容六斗四升千二百八十命也積實二
百三万六千八百分今脯方尺積千寸此脯之非是五也又按
漢書斛法方尺圓其外容一斗旁有庀焉當隋時漢斛尚在故
隋書載其銘曰律嘉量斛方尺圓其外庀旁九釐五毫粟六百
十二寸深尺容一斛今斛方尺深一尺六寸二分此斛之非是
六也又按筭法圓分謂之徑圓分分謂之方斜所謂徑三圓九
方五斜是也今圓分而以方法筭之此筭數非是七也又按權
衡者起千二百黍而立法也周之脯其重一鈞穀中黃鐘之宮
漢書之斛其重二鈞穀中黃鐘脯斛之制有容受有尺寸又取
其輕重者欲見厚薄之法以考其數也今黍之輕重夫真此權
衡爲非是八也又按鐘有大小有輕重有厚薄今无大小无輕
重无厚薄而以黃鐘爲準此鐘之非是九也若一律謂之博

二律謂之股三律謂之鼓凡此者十二律各別也今之殷一以黃鐘爲率是磬之非是十也凡此者皆有形之物也易見者也使其一不合則未可以爲法況十者皆相戾乎且固知其无形之聲音不可得而和也請以呂章下有司問黍之二米與一米孰是律之空徑三分與四分四釐六毫孰是律之起尺與尺之起律孰是命之圓制與方制孰是黼之方尺圓其外深尺與方尺孰是斛之方尺圓其外庌旁九釐五毫與方尺深尺六寸二分孰是筭數之圓分與方分孰是權衡之重以二米矩黍與一米孰是鐘磬依古法有大小輕重長短厚薄而中律與不依古法而中律孰是是不是定然後制命合外斗黼斛以校其容受容受合然後下詔以求其具黍真黍至然後可以爲量爲鐘磬量與鐘磬合於律然後可以爲樂也今尺律本末未正而詳定脩制一局工作之費无慮千萬計矣此議者所以云去也然議者不言有司議論依違不決而願謂陛下作樂爲過誤矣又言當

今宜先政令而礼樂非所急此臣之所尤惑也儻使有司合礼樂之論是其所是非其所非陛下親臨決之於政令不已大乎昔漢歸議諡鐵後世傳蓋鐵論今陛下定雅樂以求嚴墜之法而有司論議不著盛德之事後世將何攷焉願陛下令有司人條件據經史論議合爲一書則孰敢不自竭尽以副陛下之意如以臣議爲然伏請推罷諡定終制二局俟真黍至然若爲樂則必得至當而无事於浮費也臣不勝區區之愚臣鎮惶恐昧死再拜

上皇帝萬言書

臨川先生

臣愚不肖蒙恩備使一路今又蒙恩召還闕廷有所任屬而當以使事歸報陛下不自知其無以稱職而敢緣使事之所及冒言天下之事伏惟陛下詳思而擇其中幸甚臣切觀陛下有恭儉之德有聰明睿知之才夙興夜寐无一日之懈嚴色狗馬觀游玩好之事无纖介之蔽而仁民愛物之意孚於天下而又公

選天下之所願以爲輔相者屬之以事而不貳於讒邪傾巧之
臣此雖二帝三王之用心不過如此而已宜其家給人足天下
大治而効不至於此願內則不能無以社稷爲憂外則不能先懼
於夷狄天下之財力日以困窮而風俗日以衰壞四方有志之
士譔譔然常恐天下之久不安此其故何也患在不知法度故
也今朝廷法嚴令具無所不有而臣以謂無法度者何哉方今
之法度多不合乎先王之政故也孟子曰有仁心仁聞而澤不
加於百姓者爲政不法於先王之道故也以孟子之說觀當今
之失在於此而已夫以今之世去先王之世遠所遭之變所遇
之勢不一而欲一二修先王之政雖甚愚者猶知其難也然臣
以謂今之失患在不法先王之政者以謂當法其意而已夫二
帝三王用去蓋千有餘載一治一亂其盛衰之時具矣其所遭
之變所遇之勢亦各不同其施設之方亦皆殊而其爲天下國
家之意本末先後未嘗不同也臣故曰當法其意而已法其意

則吾所改易更革不至乎傾駭天下之耳目驚天下之口而固
已合乎先王之政矣雖然以方今之勢揆之陛下雖欲改易更
革天下之事合於先王之意其勢必不能也陛下有恭儉之德
有聰明睿知之才有仁民愛物之意誠加之意則何為而不成
何欲之不得然而臣願以謂陛下雖欲改易更革天下之事合
於先王之意其勢必不能者何也以方今天下之才不足故也
臣嘗誠切觀天下在位之人未有多於此時者也夫人才乏於
上則有沉廢伏匿在下而不為當時所知者矣自又聞之於閭
巷草野之間而亦未見其多焉豈非陶冶而成之者非其道而
然乎臣以謂方今在位之人才不足者以臣使事之所及則可
知矣今以一路數千里之間能推行朝廷之法令知其所緩急
而一切能使民以修其職事者甚少而不才苟簡貪鄙之人至
不可勝數其能講先王之意以合當時之變者蓋合郡之間往
往而絕無也朝廷每一令下其意雖善在位者猶不能推行使膏

澤加於民而吏轉緣之爲姦以擾百姓故曰在位之人才不足而草野閭巷之間亦未見其多也夫人才不足則陛下雖欲改易更革天下之事以合先王之意大臣雖有能當陛下之意而欲領此者九州之大四海之遠孰能稱陛下之旨以一二推行此而人人蒙其施者乎臣故曰其勢未必能也孟子曰徒法不能以自行非此之謂乎然則方今之急在於人才而已誠能使天下人才衆多然後在位之才可以擇其人而取足焉在位者得其才矣然後稍視時勢之可否而因人情之苦患變更天下之弊法以趨先王之意甚易也今之天下亦先王之天下先王之時人才嘗衆矣何至於今而獨不足乎故曰陶冶而成之者非其道故也商之時天下嘗大亂矣在位貪毒禍敗皆非其人及文王之起而天下之才嘗少矣當是時文王能陶冶天下之士而使之皆有士君子之才然後隨其才之所有而官使之詩曰豈弟君子遐不作人此之謂也及其成也微賤鬼置之人猶

莫不好德鬼置之詩是也又況於在位之人乎夫文王惟能如此故以征則服以守則治詩曰奉璋峨峨髦士攸宜又曰周王于邁六師及之言文王所用文武各得其才而無廢事也及至夷厲之亂天下之才又嘗少矣至宣王之起所與圖天下之事者仲山甫而已故詩人嘆之曰德輶如毛維仲山甫舉之愛莫助之蓋閔人才之少而山甫之無助也宣王能用仲山甫推其類以新美天下之士而後人才復衆於是內修政事外討不庭而復有文武之境士故詩人美之曰薄言采芑于彼新田于此芻畝言宣王能新美天下之士使之有可用之才如農夫新美其田而使之有可采之芑也由此觀之人才未嘗不自人主陶冶而成之者也所謂陶冶而成之者何也亦教之養之取之任之有其道而已所謂教之之道何也古者天子諸侯自國至于鄉黨皆有學博置教道之官而嚴其選朝廷禮樂刑政之事皆在于學學士所觀而習者皆先王之法言德行治天下之意

其材亦可以爲天下國家之用苟不可以爲天下國家之用則不教也苟可以爲天下國家之用者則無不在於學此教之之道也所謂養之之道何也饒之以財約之以禮裁之以法可也何謂饒之以財人之情不足於財則貪鄙苟得無所不至先王知其如此故其制祿自庶人之在官者其祿已足以代其耕矣由此等而上之每有加焉使其足以養廉恥而離於貪鄙之行猶以爲未也又推其祿以及其子孫謂之世祿使其生也既於父母兄弟妻子之養昏姻朋友之接皆无憾矣其死也又於子孫無不足之憂焉何謂約之以禮人情足於財而无禮以節之則又放僻邪侈無所不至先王知其如此故爲之制度婚喪祭養燕享之事服食器用之物皆以命數爲之節而齊之以律度量衡之法其命可以爲之而財不足以具則弗具也其財可以具而命不得爲之者不使有分寸銖兩之加焉何謂裁之以法先王於天下之士教之以道藝矣不帥教而待之以屏弃

遠方終身不齒之法約之以禮也不循禮則符之以流殺之法
王制曰變衣服者其君流酒誥曰厥或告曰群飲汝勿佚不執
拘以歸于周予其殺夫群飲變衣服小罪也流殺大刑也加小
罪以大刑先王所以忍而不疑者以爲不如是不足以一天下
之俗而成吾治夫約之以禮裁之以法天下所以服從无抵冒
者又非獨其禁嚴而治察之所能致也蓋亦以吾至誠懇惻之
心力行而爲之倡凡在左右通貴之人皆順上之欲而服行之
有一不帥者該之加必自此始夫上以至誠行之而貴者知避
上之所惡矣則天下之不罰而止者衆矣故曰此養民之道也
所謂取之之道者何也先王之取人也必於鄉黨必於庠序使
衆人推其所謂賢能出之以告于上而察之誠賢能也然後隨
其德之大小才之高下而官使之所謂察之者非專用耳目之
聰明而私聽於一人之口也欲審知其德問以行欲審知其才
問以言得其言行則試之以事所謂察之者試之以事是也雖

堯之用舜亦不過如此而已又況其下乎若夫九州之大四海之遠百官億醜之賤所須士大夫之才則衆矣有天下者又不可以一二自察之也又不可以偏屬於一人而使之於一日二日之間交試其行能而進退之也蓋吾已能察其才行之大者以爲大官矣因使之取其類以將久試之而考其能者以告于上而後以爵命祿秩予之而已此取之之道也所謂任之之道者何也入之才德高下厚薄不同其所任有宜有不宜先王知其如此故知農者爲后稷蠶工者爲共工其德厚而才高者以爲之長德薄而才下者以爲之佐屬又以久於其職則上猶習而知其事下服馴而安其教賢者則其功可以至於成不肖者則其罪可以至於著故久其任而待之以考績之法夫如此故智能才力之士則得及其智以趨功而不患其事之不終其功之不就也偷墮苟且之人雖欲取容於一時而願僇辱在其後安敢不勉乎若夫无能之人固知辟避而去矣居職任事之日

久不勝任之罪不可幸幸而免故也彼且不敢冒而知辭避矣
尚何有此周讒諂求進之人乎取之既已詳使之既已當處之
既已久而任之也又專焉而不一二以法束縛之而使之得行
其意堯舜之所以理百官而熙衆工者以此而已書曰三載考
績三考黜陟幽明此之謂也然堯舜之時其所黜者則聞之矣
蓋四凶是也其所陞者則皋陶稷契皆終身一官而不徙蓋其
所謂陞者特加之爵命祿賜而已耳此任之之道也夫教之養
之取之任之之道如此而當時人君又能向其大臣悉其耳目
心力至誠惻怛思念而行之此其人臣之所以無疑而於天下
國家之事无所欲爲而不得也方今州縣雖有學取牆壁具而
已非有教道之官長育人才之事也唯太學有教道之官而亦
未嘗嚴其選朝廷礼樂刑政之事未嘗在於學學者亦漠然自
以礼樂刑政爲有司之事而非已所當知也學者之所教講說
章句而已講說章句固在古者教人之道也而近歲乃始教之

以課試之文章夫課試之文章非博誦強學窮日之力則不能
及其能工也大則不足以用天下國家小則不足以爲天下國
家之用故雖白首於庠序窮日之力以帥上之教及使之從政
則茫然不知其方者皆是也蓋今之教者非特不能成人之才
而已又從而困苦毀壞之使不得成才者何也夫人之材成於
專而毀於雜故先王之處民才處工於官府處農於畎畝處商
賈於肆而處士於庠序使各專其業而不見異物懼異物之足
以害其業也所謂此者又非特使之不得見異物而已一示先
王之道而百家諸子之異說皆屏之而莫敢習者焉今士之所
宜學者天下國家之用也今悉使置之不教而教之以課試之
文章使其耗精疲神窮日之力以從事於此及其任之以官也
則又悉使置之而責以天下國家之事夫古之人以朝夕專其
業於天下國家之事而猶才有能有不能乃今移其精神奪其
才力以朝夕從事於无補之學及其任之以事然後卒然責之

卷九

之間固嘗從事於射也有賓客之事則以射有祭祀之事則以射別士之行同能耦則以射於禮樂之事未嘗不寓以射而射亦未嘗不在於禮樂祭祀之間也易曰弧矢之利以威天下先王豈以射為可以習揖讓之儀而已乎固以為射者武事之光大而威天下守國家之具也居則以足習禮樂出則以是從戰伐士既朝夕從事於此而能者衆則邊疆宿衛之任皆可擇而取也夫士嘗孝先王之道其行義嘗推見於鄉黨矣然後因其才而託之以邊疆宿衛之士此古之人君所以推干戈以屬之人而充內外之虞也乃今以天下之重任人主所當至慎之選推而屬之蕪悍無賴才行不足自託於鄉里之人此方今所以惴惴然常抱邊疆之憂而慮宿衛之不足恃以為安者也今孰不知邊疆宿衛之士不足恃以為安哉願以為天下孝士以執兵為恥而亦未有能騎射行陣之事者則非召募之卒伍孰能任其事者乎夫不嚴其教高其選則士之以執兵為恥而未

嘗有能騎射行陣之事固其理也凡此皆教之非其道也方今制祿大抵皆薄自非朝廷侍從之列食口稍衆未有不兼商賈之利而能充其養者也其下州縣之吏一月所得多者錢八九千以守選待除守闕通之蓋六七年而後得三年之祿計月所得乃實不能四五千少者乃實不能及三四千而已雖廩養之給不窮於此矣而其養生喪死昏姻葬送之事皆當出於此夫出中人之上者雖窮而不失為君子出中人之下者雖泰而不失為小人唯中人不然窮則為小人泰則為君子者則天下皆是也先王以為衆不可以力勝也故制行不以已而以中人為制所以因其欲而利道之以為中人之所能守則其志可以行乎夫天下而推之後世以今之制祿而欲士之無毀廉恥蓋中人之所不能也故今官大者往往交賂遺營賢能以負貪汙之毀官小者販鬻乞丐无所不為夫士已嘗毀廉恥以負累於世矣則其偷惰取容之意起而矜奮自強之心息則職業安得而

不弛治道何從而興乎又況委法受賂侵牟百姓者往往而是也此所謂不能饒之以財也昏喪奉養服食器用之物皆无制度以為之節而天下以奢為榮以儉為恥苟其財之可以具則无所為而不得有司既不禁而人又以此為榮苟其財不足而不能自稱於流俗則其昏喪之際往往得罪於族人昏姻而人以為恥矣故富者貪而不知止貧者則強勉而不足以追之此士之所以重困而庶恥之心毀也凡此所謂不能約之以禮也方今陛下躬行儉約以率天下止左右通貴之目所親見然而其閭閻之內者侈先節犯上之所惡以傷天下之教者有已甚者矣未聞朝廷有所放縱以示天下昔周之人拘群飲而被之以殺刑者以為酒之末流生害有至於死者眾矣故重禁其禍之所自生重禁禍之所自生故其施刑極省而人之抵於禍敗者少矣今朝廷之法所尤重者獨貪吏耳重禁貪吏而輕奢靡之法此所謂禁其末而弛其本然而世之識者以為方今官冗

而縣官財用已不足以供之其亦蔽於理矣今之入官誠冗矣然而前世置員蓋甚多而賦祿又如此之薄則財用之所不足蓋亦有說矣吏祿豈足計哉臣於財利固未嘗學然切觀前世治財之大略矣蓋因天下之力以生天下之財取天下之財以供天下之費自古治世未嘗以不足而爲天下之公患也患在治財無其道耳今天下不見兵革之具而元元安土樂業人致其力以生天下之財然而公私常以困窮爲患者殆亦理財未得其道而有司不能度世之宜而通其變耳誠能理財以其道而通其變臣雖愚固知增吏祿不足以傷經費也方今法嚴令具所以羅天下之士可謂密矣然而亦嘗教之以道藝而有不帥教之刑以待之乎亦嘗約之以制度而有不循理之刑以待之乎亦嘗任之以職事而有不任事之刑以待之乎夫不先教之以道藝誠不可以誅其不帥教不先約之以制度誠不可以誅其不循理不先任之以職事誠不可以誅其不任事此三者先

王之法所先急也。今皆不可得誅而薄物細故非害治之急者。爲之法禁月異而歲不同。爲吏者至於不可勝記。又况能一二避之而先犯者乎。此法令所以滋而不行。小人有幸而免者。君子有不幸而及者。焉此所謂不能裁之以刑也。凡此皆治之非其道也。方今取士強記博誦而略通於文辭。讀之茂才異等。賢良方正。茂才異等。賢良方正者。公卿之選也。記不必強誦。不必博略通於文辭。而又嘗學詩賦。則謂之進士。進士之高者。亦公卿之選也。夫此二科所得之技能。不足以爲公卿。不待論而後可知。而世之議者。乃以爲吾嘗以此取天下之士。而才之可以爲公卿者。常出於此。不必法古之取人。然後得士也。其亦蔽於理矣。先王之時。盡所以取人之道。猶懼賢者之難進而不肖者之難於其間也。今悉廢先王所以取士之道。而取天下之才。悉使爲賢良進士。則士之才。可以爲公卿者。固宜爲賢良進士。而賢良進士。亦固宜有時而得才之。可以爲公卿者也。然而不肖

者苟能雕蟲篆刻之學以此進至乎公卿才之可以爲公卿者固於無補之學而以此死糾於品野蓋十八九矣夫古之人有天下者其所慎擇者公卿而已公卿既得其人因使推其類以聚於朝廷則百司庶府無不得其人也今使不肖之人幸而至乎公卿因得推其類聚之朝廷此朝廷所以多不肖之人而雖有賢智往往困於无助不得行其意也且公卿之不肖既推其類以聚於朝廷朝廷之不肖又推其類以徧四方之任使四方之任使者又各推其不肖以布于州郡固雖有同罪舉官之科豈足恃哉適足以爲不肖者之資而已其次九經五經學究明法之科朝廷固已嘗患其无用於世而稍責之以大義矣然大義之所得未有以賢於故也今朝廷又開明經之選以進經術之士然明經之所取亦記誦而略通於文辭者則得之矣彼通先王之意而可施於天下國家之用者願未必得於此選也其次則恩澤子弟庠序不教之以道藝官司不考問其材能父兄

不保任其行義而朝廷輒以官予之而任之以事武王數紂之
罪則曰官人以世夫官人以世而不計其才行此乃紂之所以
亂亡之道而治古之所無也又其次曰流外朝廷固已濟之於
廉恥之外而限其進取之路矣願厲之以州縣之事使之臨士民
之上豈所謂以賢治不肖者乎以臣使事之所及一路數千里
之間州縣之吏出於流外者徃徃而有可屬任以事者殆无二
三而當防閑其姦者皆是也蓋古者有賢不肖之分而無流品
之別故孔子之至而嘗爲季氏吏蓋雖爲吏而不害其爲公卿
及後世有流品之別則凡在流外者其所成立固嘗自置於庶
取之外而無高人之意矣夫以近世風俗之流靡自雖士大夫
之才勢足以進取而朝廷嘗獎之以禮義者晚節末路徃徃怵
而爲蕪泥又其素所成立而無高人之意而朝廷固已擢之於
廉恥之外限其進取者乎其臨人親職放辟邪侈固其理也至
於邊疆宿衛之選則臣固已言其失矣凡此皆取之非其道也

方今既取之，不以其道，至於任人，又不問其德之所宜，而問其出身之後先，不論其才之稱否，而論其歷任之多少，以文筆進者，且使之治財，已使之治財矣，又轉而使之典獄，已使之典獄矣，又轉而使之治禮，是則人之身而責之以百官之所能備，宜其人才之難爲也。夫責人以其所難爲，則人之能爲者少矣。人之能爲者少，則相率而不爲。故使之典獄，未嘗以不知禮爲憂，以今之典獄，皆未嘗事禮，故也。使之典獄，未嘗以不知獄爲恥，以今之典獄者，未嘗事獄，故也。天下之人，亦已漸漬於失教，被服於成俗，見朝廷有所任使，非其資序，則相議而訕之。至於任使之不當其才，未嘗有非之者。且任使者，數徙，則不得久於其官，故上不能狃習，而知其事，下不肯服馴，而安其教。賢者則其功不可以及，於成不肖者，則其罪不可以至於賢者矣。迎新將故之勞，緣絕簿書之弊，固其害之小者，不足悉數也。設官大抵皆當久於其任，而至於所部者，遠所任者重，則尤宜久於其

官而石可以責其有為而方今尤不得久於其官往往數日輒遷之矣取之既已不詳使之既已不當處之既已不久至於任之則又不專而又一二法法約束縛之使不得行其意臣固知當今在位多非其人稍假借之權而不一二以法束縛之則放恣而無不為雖然在位非其人而特法以為治自古及今未有能治者也即使任在位皆得其人矣而一二以法束縛之不使之得行其意亦自古及今未有能治者也夫取之既已不詳使之既已不當處之既已不久任之又不專而又一二以法束縛之故雖賢者在位能者在職而不肖而无能者治无以異夫如此故朝廷明知其賢能足以任事苟非其資序則不以任事而輒進之雖進之士猶不服也明知其無能而不肖苟非有罪為在上者所劾不敢以其不勝任而輒退之雖退之士猶不服也彼誠不肖而無能然而士不服有何也以所謂賢能者任其事與不肖而无能者亦无以異故也目前以謂不能任人以職事而無

不任事之刑以待之者蓋謂此也夫教之養之取之任之有一
非其類則足以敗亂天下之人才又況兼此四者而有之則在
位不才苟簡貪鄙之人至於不可勝數而草野閭巷之間亦少
可任之才固不足恠詩曰國雖靡止或聖或否民雖靡盬或哲
或謀或蕭或艾如彼泉流无淪胥以敗此之謂也夫在位之人
才不足矣而閭巷草野之間亦少可用之才則豈特行先王之
政而不得也社稷之託封疆之守陛下其能久以天幸為常而
无一日之憂乎蓋漢之張角二十六万同日而起而所在郡國
莫能發其謀唐之黃巢橫行天下而所至將吏无敢向之抗者
漢唐之所以亡禍自此始唐既亡矣陵夷至于五代而武夫用
事賢者伏匿消沮而不見在位无復有知君臣之義上下之礼
者也當是之時變置社稷蓋甚於弈之易而元元肝腦塗地
幸而不轉死於鋒鏑者无幾耳夫人才不足患蓋如此而方全
公卿大夫莫肯為陛下長慮後顧為宗廟万世計臣切惑之昔

晉武帝趣過目前而不爲子孫長遠之謀當時在位亦皆偷合苟容而風俗蕩然弃礼義捐法制上下同失莫以爲非有識同知其將必乱矣而其後果海內大擾中國裂於夷狄者二百餘年伏惟三廟祖宗神靈所以付屬陛下固將爲万世血食而大庇元元於无窮也臣願陛下鑒漢唐五代之所以乱亡懲晉武苟且因循之禍明詔大目思所以陶成天下之才慮之以謀計之以數爲之以漸期爲合於當世之變而无負於先王之意則天下之人才不勝用矣人才不勝用則陛下何求而不得何欲而不成哉夫慮之以謀計之以數爲之以漸則成天下之才甚易也自始讀孟子見孟子言王政之易行心則以爲然然及見輿傳子論齊魯之地以爲先王之制國大抵不過百里者以爲今有王者起則凡諸侯之地或千里或五百里皆將損之至於數十百里而後止於是疑孟子雖賢其仁智足以一天下亦安能毋劫之以兵革而使數千里之強國一旦肯損其地之十八

九而比於先王之諸侯王其後觀漢武帝用主父偃之策令諸侯王悉得推恩分其子弟而漢親臨定其號名輒別屬漢於是諸侯王之子弟各有分土而勢強地大者卒以分析弱小然後知慮之以謀計之以數爲之以漸則大者固可使小強者固可使弱而不至乎傾駭交亂敗傷之虞孟子之言不爲過又況今欲改易更革其勢非若孟子之所爲之難也且故曰慮之以謀計之以數爲之以漸則其爲甚易也然先王之爲天下不患人之不爲而患人之不能不患人之不能而患己之不勉何謂不遷人之不爲而患人之不能之情所願得者善行美名尊爵厚利也而先王能操之以臨天下之士有能遵之以治者則悉以其所願得者以與之士不能則已矣苟能則勉肯舍其所願得而不自勉以爲才故曰不患人之不爲而患其不能何謂不患人之不能而患己之不勉先王之法所以待人者盡矣自非下愚不可移之才未有不能起者也然而不謀之以至誠惻怛之心亦

未有能力行而應之者故曰不患人之不能而患己之不勉陛
一誠有意乎成天下之才則自願陛下勉之而已目又觀朝廷
異時故有所施為變革其始計利害未嘗熟也願一有流俗僥
倖之人不悅而非之則遂止而不敢為天法度立則人無獨蒙
其幸者故先王之政雖足以利天下而當其承弊壞之後僥倖
之時其創法之制未嘗不艱難也以其創法立制而天下僥倖
之人亦順悅以趨之無有齟齬則先王之法令至今存而不廢
矣惟其創法立制之艱難而僥倖之人不肯悅順而趨之故古
之人欲有所為未嘗不先之以征誅而後得其意詩曰是伐是
肆是錫是忽四方以無拂此言文王先征誅而後得於天下也
夫先王欲立法度以變衰壞之俗而成人之才雖有征誅之難
猶忍而為之以為不若是不可以有為也及至孔子以匹夫遊
諸侯所至則使其君目捐所習逆所順強所劣權權如也卒因
於非遂然孔子亦終不為之變以為不如是不可以有為此其

所守蓋與文王同意夫在上之聖人莫如文王在下之聖人莫如孔子而欲有所施為芟革則其事蓋如此矣今有天下之勢居先王之位而立法制非其征誅之難也雖有僥倖之人不悅而非之固不勝天下順悅之人衆也然而一有流俗僥倖不悅之言則遂止而不敢為者惑也陛下誠有意乎成天下之才則臣又願斷之而已夫慮之以謀計之以數為之以漸而又勉之以成斷之以果然而猶不能成天下之才則以臣所聞蓋未也有也然臣之所稱流俗之所不講而今之議者以謂迂闊而熟爛者也切觀近世士大夫所欲悉心力耳目以補助朝廷者有矣彼其意非一切利害則其為當世所不能行士大夫既以此希出而朝廷所取於天下之士亦不過如此至于大倫大法礼義之際先王之所力學而守者蓋不及也一有及此則群聚而笑之以為迂闊今朝廷悉心於一切之利害有司法令之間非一日也然其効可觀矣則夫所謂迂闊而熟爛者惟陛下亦可以

少留神而察之矣昔唐太宗正觀之初人人異論如封德彝之
徒皆以爲非難用秦漢之政不足以爲天下能思先王之事開
太宗者魏鄭公一人耳其所施設雖未能盡當先王之意抑其
大略可謂合矣故能以數年之間而天下幾致刑措中國安寧
夷夏順服自三王以來未有如此之盛者也唐太宗之初天下
之俗猶今之世也魏鄭公之言固當時所謂迂闊而軌矚者也
然其効如此賈誼曰今或言德教之不如法今胡不引商周秦漢
以觀之然則唐太宗事亦足以觀矣且卒以職事歸報陛下不
自知其驚下無以稱職而敢及國家之大体者誠以目蒙陛下
任使而當歸報切謂在位之人才不足而無以稱朝廷任使之
之意而朝廷所以任使天下之士者或非其理而士不得展其
才此亦巨使事之所及而陛下之所且先聞者也釋此一言而
毛舉利害之一二以汚陛下之聰明而終無補于世則非臣所
以事陛下之義也伏惟陛下詳思而擇其天下幸甚 卷末

新刊 國朝二百家名賢文粹卷第七十

書

上皇帝書三

上皇帝論五事書

臨川先生

今陛下即位五年更張改造者數千百事而爲書具爲法立爲
爲利者何其多也就其多而求其法最大其効最晚其議論最
多者五事也一曰和戎二曰青苗三曰免役四曰保甲五曰市
易今青唐洮河幅員三千餘里舉戎羗之衆二十萬獻其地因
爲熟戶則和戎之策已効矣昔之貧者舉息於豪民今之貧者
舉息於官官薄其息而民救其乏則青苗之令已行矣惟免役
也保甲也市易也此三者有大利害焉得其人而行之則爲大
利非其人而行之則爲大害緩而圖之則爲大利急而成之則
爲大害傳曰事未師古以克永世匪說攸聞若三法者可謂師
古然而知古之道然後能行古之法此臣所謂大利害者也蓋

蓋免役之法出於周官所謂府史胥徒王制所謂庶人在官者也然而九州之民貧富不均風俗不齊版籍之高下不足據今一旦變之則使之家至戶到均平如一舉天下之役人人用募釋天下之農歸於畎畝苟不得其人而行則五等必不平而募役必不均矣保甲之法起于三代丘甲管仲用之齊子產用之鄭商君用之秦仲長統用之漢而非今日之立異也然而天下之人鳬居鴈聚散之四方而無禁也者數千百年矣今一旦變之使之什伍相維鄰里相屬察姦而頭諸仁宿兵而藏諸用苟不得其人而行之則搔之以追呼駭之以調教而民心搖矣市易之法起於周之司市漢之平準今以百萬緡之錢權物價之輕重以通商而貴之令民以歲入數萬緡息然甚知天下之貨賄未甚行劫恐希功幸賞之人速求成效於年歲之間則吾法陋矣且故曰三法者得其人緩而謀之則為大利非其人急而成之則為大害故免役之法成則農時不奪而民

力均矣保甲之法成則寇乱息而威勢彊矣而易之法成則貨賄流通而國用饒矣

上皇帝言任進抑塞書

蒲左丞

熙寧元年月日前嶺州觀察判官蒲宗孟謹昧死百拜上書皇
帝陛下臣聞聖人持天下不幸而至於極弊大壞之際欲更變
律令猶當以不可測之術不可知之權風動天下使天下之人
安趨而樂從奔走而不知其故未嘗倉卒亟暴爲駭擾之法以
逆人之欲拂人之情強人之所不喜違衆戾物以招怨取怒歛
大憤起深憾而離天下之心也況不至於極弊大壞之際安可
無故而爲矯世動俗之事結怏怏不悅於天下耶爰自述時朝
廷惡官多而吏道雜一切塞絕之如防寇盜如捍讎敵如備狼
虎惟患去之不盡而不患其有傷梗棘塹障其路苛文峻法離
合其薦負增厲其年紀扼絕其遷外常恐其應條目而符格令
合制度而契圖模以取一日之榮也自古獻主未有如今日之

甚簡賤王官未有如今日之障也彰灼著明而鼓動衣冠之德
未有如今日之暴也白衣下士至於吏部選人上及於朝廷之
所謂郎曹卿列無一人不被室閹無一人不拂其所欲此皆前
世好治之君孜孜降已貪求渴選賴而共為理者而今日舉
將去之不啻於屏巧人斥遣奴僕之易如之何使英偉自重之
士竭謀盡慮為國家喜舊事効流風逆哉精才奇智之人素守
廉隅素重名節不忍舍簪紱而從負販有父母妻子之迫又不
忍去而之山林持其不得已之心含恥強顏出入人上屣勉苟
過此甚可歎向者大員為法以節約進士經生之數舉天下而
計之三年之間率常數十萬人而取三四百也又裁減任子之
令甚嚴而補者增為三歲三歲者增為再郊三丞告老之澤十
八道使者遷任之寵例皆寢罷大較比舊每歲已有千餘人不
占仕籍矣入仕之難既如此既仕之後又多為不可進之格以
沮之故舉職官之令行而京官歲損者將百餘員朝廷猶以為

未也召見引對之際又不用銓筭正律不循祖宗故事与奪先
準出於臨時使天下有偶得偶失之嘆惶惑驚擾以爲不便而
今年六月已未之詔又令天下通判之人率不得舉京官而轉
運判官亦減其當舉之數士人何所恃而進也前無榮華以誘
其心後无溫飽以足其衣食陛下尚欲責之治絲元養赤子不
已疎乎不徒如此其甚者又有增年注秩之法止郎限鄉之令
止郎而限鄉是又何也堯舜已來未嘗有也古之爵祿王者所
以厲世磨鈍而今之爵祿朝廷務以沮善而惰志豈聖人把持
天下之術耶仕官而有可止之時則人之爲善有可止之心矣
爲善而可止則朝廷尚誰與共天下哉陛下豈不思入仕之人
乎方今所貴而寵用者進士一科以進士言之使天下入仕者
率三十而得仕四十而京官比及引年之日不過爲陛下中行
郎中耳然而其間幾何而至此其補奏而得仕誦書而入官者
又豈人人四十而足京官耶以此而較安在明爲科條嚴設禁

令止郎限卿以取方載之譏乎此寂清朝深失之議而治世無
謂之法殆執計者慮之不精求之不軌趨目前而忘遠慮思小
利而不知無益逞一時之見動多士之心使然府歸于朝廷廢
振蟠于天下不足以懲弊革竊祗以收憾而取怨矣腐儒小生
不曉治体凡以謂天下之事皆當洗剔痛治然後可以置於太
平遂陳使意之論悅耳之說以亂陛下視聽不知陛下新有大
寶正當以至恩厚德結人而不宜爲峻察拂戾之事駭擾天下
也嗚呼寔易得者天下之勢最難得者天下之心昔武王有亂
曰十人同心同德而周室以興紂有亂曰三千離心雖德不能
保天下夫人之心不可失也如此且願陛下精意極慮不憚重
更而陳已之失喜進取惡擯弃人之常情也是以古之明王因
其情之所喜順而諉之無不得其欲故知人之惡飢寒也與之
祿使至於飽暖知人之惡貧賤也與之爵使政於富貴知人之
惡擯弃也與之榮名使榮於進取惟其是所以天下聰明才

復蒙薦雄陳舉出不可屈服之人皆樂爲之用喜爲之尽力其
故何耶是非有奇策異筭蓋亦順其情而已今也幸違其情而
欲舉之共天下臣未見其可也願陛下勿爲太過已甚之事廓
然開其可進之路疏其窒塞之源使轉運判官與列郡通判復
得依舊舉官以誘州縣仕官之心使郎無可止之期鄉無可限
之數以破清望官塞絕之嘆使選人至於政官而資地應格者
不奪於臨時以杜銓選惶惑之擾則天下榮望復在衣冠進路
復通而仕官復尊朝廷復重矣治平之法減京官舉職官使京
朝已上四年而磨勘持此之術行之十年仕路自清吏真自守
何必巧爲術以障之曲爲防以蔽之乎百目之疾求一日以愈
之必知不可而五六十午之弊乃欲去不已遽乎願陛下從
容安意以待之倉卒亟暴恐非天下之福臣過討論事罪在不
贖惟陛下裁赦臣宗孟昧死再拜

上皇帝論十事書

老泉先生

嘉祐三年十二月一日眉州布衣臣蘇洵謹頭首再拜冒萬死
上書皇帝闕下自前月五日蒙本州錄到中書劄子連降旨以
兩制議上翰林學士歐陽脩奏臣所著權書衡論幾策十二篇
乞賜覽錄陛下過聽召臣試策論舍人院乃令本州發遣臣赴
闕臣本田野匹夫名姓不登於州閭今一旦卒然被召實不知
其所以自通於朝廷承命悸恐不知所爲以陛下朝廷至聖之資
又有群公卿之賢與天下士大夫之衆如臣等輩固宜不少有
臣無臣不加損益臣不幸有負薪之疾不能奔走道路以副陛
下搜揚之心憂惶負罪無所容處臣本凡才無路自進當少年
時亦嘗欲僥倖於陛下之科幸有司以爲不肖輒以擯落蓋退
而處者十有餘年矣今雖欲勉強扶病戮力亦自知其踈拙終
不能合有司之意恐重得罪以辱明詔且陛下所爲千里而召
臣者其意以臣爲能有所發明以庶幾有補於聖政之万一而
臣之所以自結屣讀書至于今茲大馬之齒幾已五十而猶未

敢廢者其意亦欲効尺寸於當時以快平生之意耳今雖未能
奔走闢下以累有司而猶不忍默默卒無一言而已也天下之
事其深遠切至者臣自惟疎賤未敢遽言而其近而易行淺而
易見者謹條為十通以塞明詔其一曰臣聞利之所在天下趨
之是故千金之子欲有所為則百家之市先寧居者古之聖人
執其大利之權以奔走天下意有所向則天下爭先為之今陛
下有奔走天下之權而不能用何則古者賞一人而天下勸今
陛下增秩拜官動以千計其人皆以為已所自致而不知戮力
以報上之恩至于臨事誰當効用此由陛下輕用其爵祿使天
下之士積日持久而得之譬如傭力之人計工而受直雖與之
千萬豈知德其主哉是以雖有能者亦無所施以為謹守繩墨
足以自致高位官更繁多溢于局外使陛下皇皇汲汲求以處
之而不暇擇其賢不肖以病陛下之民而耗竭大司農之錢穀
此議所以去而未得也臣切思蓋今制天下之吏雖自州縣

錄其職而政京官者皆未得其術是以若此紛紛也今雖多
其舉官而遠其考重其舉官之罪此適足以隔賢者而容不肖
且天下無事雖庸人皆足以無過而一旦政官無所不為彼其
察者曰此廉吏此能吏朝廷不知其所以為廉與能也幸而未
有敗事則長為廉與能矣雖重其罪未見有益上下相蒙請託
公行莅官六七考未舉主五六人此誰不能者且愚以為舉人
者當明著其迹曰某人廉吏也嘗有其事以知其廉某人能吏
也嘗有其事以知其能雖不必有非常之功而皆有可紀之狀
其特曰廉能而已者不聽如此則夫庸人雖死罪而不足稱者
不得入其間老於州縣不足甚惜而天下之吏必皆務為可稱
之功與民興利除害惟恐不出諸已此古之聖人所以駢天下
之人而使爭為善也有功而賞有罪而罰其實一也今降官罷
任者必奏曰某人有某罪其罪當然然後朝廷舉而行之今若
不著其所犯之由而特曰此不才貪吏也則朝廷安肯以空言

而加之罪今又何獨至於改官而聽其空言哉是不思之甚也
或以爲如此則天下之吏務爲可稱用意過當生事以爲已功
漸不可長臣以爲不然蓋聖人必觀天下之勢而爲之法方天
下初定民厭勞役則聖人務爲因循之政與之休息及其久安
而無變則必有不振之禍是以聖人破其苟且之心而作其怠
惰之氣漢之元成惟不知此以至於亂今天下少惰矣宜有以
激發其心使踊躍於功名以變其俗況乎冗官紛紛如此不知
所以節之而又何疑於此乎且陛下與天下之士相期於功名
而苟得此待之至深也若其宏才大略不樂於小官而無聞
焉者使兩制得以非常舉之此天下亦不過幾人而已吏之有
過而不得計者亦使得以功贖如此亦以示陛下之所推恩而
不惟觀之也其二曰臣聞古者之制爵祿必皆孝弟忠信脩潔
博習聞於鄉里而達於朝廷以得之及其後世不然曲藝小數
皆可以進然其得之也猶有以取之其弊不若今之甚也今之

用人無謂者其所謂任子乎因其父兄之資以得大官而又任其子弟將復任其孫孫又任其子是不學而得者常無窮也夫得之也易則其失之也不甚惜以不孝之人而居不甚惜之官其親民如草芥也固宜朝廷自近年始有意於裁節然皆知損之而未得其所損此所謂制其末而不窮其原見其粗而未識其精僥倖之風少衰而猶在也夫聖人之舉事不唯曰利而已必將有大服天下之心今欲有所去也必使天下知其所以去之之說故雖去而無疑何者持其說明也夫所謂任子者亦猶曰信其父兄而用其子弟去爾彼其父兄固學而得之也學者任人不學者任於人此易曉使任之不問其始之何從而得之也且彼任於人不暇又安能任人此猶惜費之人而欲從而與貸不已難乎自愚以爲父兄之所任而得官者雖至正郎直皆不聽任子弟唯其能自修飾而越錄躡次以至於清顯者乃聽如此則天下之冗官必大衰少而公卿之後皆奮志爲孝

不待父兄之任其任而得官者知後不得復任其子弟亦當勉
強不肯終老自弃於庸人此其爲益豈特一二而已其三日曰臣
聞自設官以來皆有放績之法周室既亡其法廢絕自京房建
考課之議其後終不能行夫有官必有課有課必有賞罰有官
而無課是冗官也有課而無賞罰是無課也無官無課而欲求
天下之大治臣不識也然更歷千載而終莫之行行之則益以
紛亂而終不可考其故何也天下之吏不可勝考今欲人人而
課之必使入于九等之中此宜其顛倒錯繆而不若無之爲便
也臣觀自昔行考課者皆不得其術蓋天下之官皆有所屬之
長有功有罪其長皆得以舉刺如必人人而課之於朝廷則其
長將安用惟其大吏無所屬而莫爲之長也則課之所宜如何
者其位尊故課一、八而其下皆可以整齊其數少故可以盡其
能否而不謬今天下所以不大治者守令丞尉賢不肖混淆
而莫之辨也夫守令丞尉賢不肖之辨其咎在職司之不明職

司之不明其咎在無所屬而莫為之長陛下以無所屬之官而寄之以一路其賢不肖當使誰察之古之政績者皆從司會而至於天子古之司會即今之尚書尚書既廢惟御史可以巡察中外之官且愚以為可使朝廷議定職司之考課之法而於御史莫別立考課之司中丞舉其大綱而屬官之中選強明者一人以專治其事以舉刺多者為上以舉刺少者為中以無舉刺者為下因其罷歸而奏其治弊使朝廷有以為之賞罰其非常之功不可掩之罪又當時有以償之使職司知有所懲勸則其下守令丞尉不容復有所依違而其所課者又不過數千人足以求得其實此所謂用力少而成功多法无便於此者矣今天下號為太平其實遠方之民困窮已甚其咎皆在職司且不敢盡言陛下試加採訪乃知且言之不妄其四曰降聞古者諸侯且安其境內而卿大夫之家亦各有且陪且之事其君如其君之事天子此無他其一境之內所以生殺与奪富貴貧賤者皆

自我制之此固有以自妾之也其後請侯雖廢而自漢至唐祇有相君之勢何者其署置辟舉之權猶足以自之也是故太守刺史坐于堂上州縣之吏拜於堂下雖奔走頓伏其誰曰不然自太祖受命收天下之心歸之京師一命以上皆上所自署而大司農衣食之自宰相至于州縣吏雖貴賤相去甚遠而其實皆所與以肩而事主耳是以百餘年間天下不知有權臣之威而太守刺史猶用漢唐之制使州縣之吏事之如事君之礼皆受天子之爵皆食天子之祿不知其何以自之也小吏之於大言不憂其有所不從唯恐其從之過耳今天下以貴相高以賤相調奈何使州縣之吏趨走於太守之庭不啻若僕妾唯唯不給故大吏常恣行不忌其下而吏不能正以至於曲隨諂事助以爲虐其能中立而不撓者固已難矣此不足恠其勢固然也夫州縣之吏位卑而祿薄去於民最近而易以爲姦朝廷所恃以制之者特以厲其廉隅全其節槩而養其氣使知有所取也

且必有異乎焉後將以爲公卿而安可薄哉其尤不可者今以縣令從州縣之礼夫縣令官雖卑其所負一縣之責與京朝官知縣等耳其吏胥人民習知其官長之拜伏於太守之庭如是之不威也故輕之輕之故易爲姦此縣令之所以爲難也且愚以爲州縣之吏事太守可恭遜卑抑不敢抗而已不至於通名賀拜趨走其下風所以全士大夫之節且以儆大吏之不法者其五曰且聞爲天下者必有所不可窺是以天下有急不求其素所不用之人使天下不能幸其倉卒而取祿位嗚嗟聖人爲能然何則其素所用者緩急足以使也臨事而取者亦不足用矣傳曰竟則龍名譽乏人急則用介冑之士今者所用非所養所養非所用國家用兵之時購方略設武舉使天下習法健兒皆能徒手攫取陛下之官而兵休之日雖有超世之才而惜之升之祿目恐天下有以窺朝廷也今之任爲將帥卒有急難而可使者誰也陛下之老將曩之所謂戰勝而善守者今亡矣且愚

以爲可復武舉而爲之新制以革其舊弊且昔之所謂武舉者蓋疎矣其以弓馬得之者不過挽強引重而井之鹿才而以策試中者亦皆記錄章句區區無用之學文其取人太多天下之知兵者不宜如此之衆而待之又甚輕其第下者不免於隸役故其所得皆貪汚無行之徒豪傑之士恥不忍就官因貢士之歲使兩制各舉其所聞有司試其可者而陛下親策之權略之外便於弓馬可以出入險阻勇而有謀者不過取一二人待以不次之位試以守邊之任文有制科武有武舉陛下欲得將相於此乎取之十人之中豈無一二斯亦足以濟矣其六曰臣聞法不足以制天下以法而制天下法之所不及天下斯欺之矣且法必有所不及也先王知其有所不及是故存其大略而解之以至誠使天下之所以不吾欺者未必皆吾法之所能禁亦其中有所不忍而已人君御其大旨不可以用法如其左右大臣必待法而後能御也則其疎遠小吏當復何以哉以天下之

大而無可信之人則國不足以爲國矣且觀今兩制以上非無
賢俊之士然皆奉法供職先過而口莫肯於編墨之外爲陛下
深思遠慮有所建明何者陛下符之於編墨之內也臣請得舉
其一二以言之夫兩府與兩制宜使日夜交於門以講論當此
之務且以君知其爲人臨事授任以不失其才今法不可以相
使求意將以杜其告謂之私也君臣之道不同人臣惟自防人
君惟無防之是以歡欣相接而無間以兩府兩制爲可信耶當
無所諂屬以爲不可信耶彼何患無所致其私意安在其相往
來耶今兩制知舉不免用封弥謄錄既奏而下御史親往往之
凜凜如鞠大獄使不知誰人之辭又何其甚也臣愚以爲如此
之類一切撤去彼稍有知且不忍負若其猶有所欺也則其天
下之不才無恥者矣陛下赫然震威誅一二人可以使天下茲
吏重足而立想聞朝廷之風亦必有憚儻非常之才爲陛下用
也其七曰臣聞爲天下者可以名器授人而不可以名器許人

人之不可以一日而知也久矣國家以利率取人四方之來者如市一旦使有司第之此固非真知其高下大小也特以為收之而已將試之為政而觀其悠久則必有大異不然者今進士三人之中釋褐之日天下望為卿相不及十年未有不為兩制者且彼以其一日之長而擅終身之富貴率而歸之如有所負如此則雖天下之美才亦或怠而不脩其率意恣行者久亦望風畏之不敢按此何為者也且又有甚不便者先王制其天下尊尊相高貴貴相承使天下仰視朝廷之尊如太山喬嶽非坂援所能及苟非有大功與出群之才則不可以輕得其高位是故天下知有所忌而不敢覬覦今五尺童子斐然皆有意於公卿得之則不知媿不得則怨何則彼習知其一旦之可以僥倖而無難也如此則正夫輟朝廷臣愚以為三人之中苟優與一官則足以報其一日之長館閣臺省非率不入彼果不才者也其妄以入為彼果才者也則何患無所率此非獨以愛惜名

器將以重朝廷耳其八曰臣聞古者敵國相觀不觀於山川之
峻士馬之衆相觀於人而已高山大川必有猛獸在物時見其
威故人不敵喪夫不必戰勝而後服也使之常有所忌而不敢
鼓使吾常有所恃而無所怯耳今以中國之大使夷狄視之不
甚畏取有煩言以瀆亂吾聽此其心不有所窺其安能如此之
無畏也敵國有事相待以將無事相觀以使今之所謂使者所
輕矣曰此人也為此官也則以為此使也今歲以其其來感當
以其如縣令署役必均而已矣人之才固有所短而不可強其
專對捷給勇敢文詵可以李致也今必使強之彼有窘皇失次
為夷狄笑而已古者大夫出疆有可以安國家利社稷則專之
今法令太密使小吏執簡記其旁一搖足輒隨而書之雖有奇
材辯士亦安所効用彼夷狄觀之以為樽俎談燕之間尚不能
辦軍旅之際固且無人也如此將何以破其姦謀而折其驕氣
哉臣愚以謂奉使宜有當人唯其可者而不必拘於其不能者

陛下責之以文李政事不必強之於言語之間以欺吾事而亦
稍寬其法使得有所施且今世之患以奉使爲艱危故必均而
後可也陛下平世使人皆得以辭免後有緩急使之出入死地
將皆逃耶此臣又非獨以出使而言也其九曰臣聞刑之有赦
其來遠矣周制八議有可赦之人而無可赦之時自三代之衰
始聞有肆赦之令然皆因天下有非常之事凶荒流離之後盜
賊垢污之餘於是有以沛然濯洗於天下而猶不若今之因郊
而赦使天下之民可以逆知而僥倖也平時小民畏法不敢越
越當郊之歲盜賊公行衆人滿獄爲天下者將何利於此而又
糜散帑廩以賞無用冗雜之兵一經大禮費以萬億賦歛之不
輕民之不聊生皆此之故也以陛下節用愛民非不欲去此矣
顧以爲所從來久遂恐一旦去之天下必以爲少恩而凶豪無
賴之兵或因以爲詞而生亂此其所以重改也蓋事有不可改
而遂不改者其憂必深改之則其禍必速惟其不失推恩而有

以救天下之弊者臣愚以為先郊之歲可因事為詞時鼓大號
如郊之赦而軍士之賜且告之曰吾於天下非有惜乎推恩也
惟是凶殘之民知言當赦輒以犯法以賊害善良民今而後赦
不於郊之歲以為常制天下之人喜乎非郊之歲而得郊之賞
也何暇慮其後其後四五年而行之七八年而行之又從而冬
云之天下晏然不知而日以遠矣且此出於五代之後兵荒之
閒所以姑息天下而安反側耳後之人相承而不能去以至于
今法令明具四方無虞何畏而不改今不為之計使姦人猾吏
養為盜賊而後取租賦以啖驍兵乘之以饑饉鮮不及矣當此
之時欲為之計其猶有及乎其十曰臣聞古者所以採庶人之
讖為其疎賤而無嫌也不知爵祿之可愛故其言公不知君威
之可畏故其言直今臣幸而未立于陛下之朝無所愛惜願念
於其心者是以天下之事陛下之諸臣所不敢盡言者臣請得
以僭言之陛下擢用俊賢思致太平今幾年矣事雖立而輒發

功未成而旋去陛下知其所由乎陛下知其所由則今之在位者皆足以有立若猶未也雖得賢臣千萬天下終不可為何者小人之根未去也陛下遇士大夫有札凡在位者不敢用褻狎戲嫚以求親媚於陛下而讒邪並謀之所由至於朝廷者天下之人皆以為陛下不踈遠官官之過陛下特以為耳目玩弄之臣而不知其陰賊險詖為害最大天下之小人無由至於陛下之前故肯道於官官珠玉錦綉所以為賂者絡繹於道以間賢卿士賢人之謀陛下縱不聽用而大臣常有所顧忌以不得盡其心臣故曰小人之根未去也切聞之道路陛下將有意去而踈之也若如所言則天下之福然臣方以為憂而未敢賀也古之小人有為君子之所抑而反激為天下之禍者臣每痛傷之蓋東漢之衰宦官用事陽球為司隸校尉發憤誅王甫等數人磔其尸於道中常侍曹節過而見之遂奏誅陽球而宦官之用事過於王甫之末誅其後竇武何進又欲去之而反以遇害故

漢之衰至於掃地而不可救夫君子之去小人惟能去之去乃無
後患惟陛下思宗廟社稷之重與天下之一可畏既去之又去之
既疎之又疎之刀鋸之餘必無患良縱有區區之小節不過幃
圍掃洒之勤無益於事惟能務絕其權使朝廷清明而忠言嘉
謨得以入則天下無事矣惟陛下無使為臣之所好而後世以
臣為知言不勝大願曩臣所著二十篇略言當世之要陛下雖
以此召臣然臣觀朝廷之意特以其文采詞致稍有可嘉而未
必其言之可用也天下無事臣每每狂言以迂闊為世笑然臣
以為必將有時而不迂闊也賈誼之策不用於孝文之時而使
主父偃之徒得其餘論而施之於孝武之世夫施之於孝武之
世固不如用之於孝文之時之易也臣雖不及古人惟陛下不
以布衣之言而忽之不勝越次憂國之心效其所見且非陛下不
言言無次至於朝廷今若矣恐後無由復言故去去之矣至於此
惟陛下下寬之旨洵誠惶誠懼頓首頓首謹書